

Broj: 03-04-870-1/23  
Sarajevo, 20.09.2023. godine

**PARLAMENT FEDERACIJE BOSNE I HERCEGOVINE**

**Dom naroda**

n/p gosp. Izmiru Hadžiavdiću, tajniku  
n/p gosp. Goranu Bulajiću, izaslaniku ✓

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 21-09-2023			
Org. jed.	Broj	Priloga	Vrijednost
05/2	-02-	258	123

Predmet: Odgovor na izaslaničku inicijativu

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br: 27/03, 21/09 i 24/20), u privitku Vam dostavljam akt Federalnog ministarstva prometa i komunikacija, broj:09-02-2-1550-1/23 od 13. rujna 2023. godine, koji se odnosi na izaslaničku inicijativu, koju je podnio izaslanik Goran Bulajić, uz napomenu da će i ostali odgovori po primitku biti dostavljeni.

S poštovanjem,



Privitak: kao u tekstu

BOSNIA AND HERZEGOVINA  
FEDERATION OF BOSNIA AND HERZEGOVINA  
**MINISTRY OF TRANSPORT AND COMMUNICATIONS OF  
THE FEDERATION OF BOSNIA AND HERZEGOVINA**

**Broj: 09-02-2-1550-1/23**  
**Mostar, 13.9.2023. godine**

**VLADA FEDERACIJE BiH**  
**N/r Tajnik Vlade Federacije BiH**

BOSNA I HERCEGOVINA  
FEDERACIJA BOSNE I HERCEGOVINE  
**V L A D A**  
Sarajevo

PRIMLJENO: 20.9.2023			
Organizaciona jedinica	Klasifikaciona oznaka	Redni broj	Broj priloga
03-04-870-1/23			

**PREDMET: Odgovor na zastupničku inicijativu zastupnika Gorana Bulajića, zastupnika u Domu naroda Parlamenta Federacije Bosne i Hercegovine, dostavlja se**  
**Veza Vaš akt br. 03-04-870-1/23 zaprimljen 11.9.2023.**

Poštovani,

Dana 11.9.2023. godine dobili smo, radi postupanja sukladno nadležnostima, zastupničku inicijativu koju je podnio zastupnik Goran Bulajić, zastupnik u Domu naroda Parlamenta Federacije Bosne i Hercegovine, a ista je vezana za donošenje jedinstvenog Pravilnika/Uputstva za objavu Javnih poziva sa unificiranim procedurama objave Javnih poziva (programa utroška/transfera sredstava iz Proračuna Federacije Bosne i Hercegovine) svih ministarstava u Vladi Federacije.

U vezi sa navedenom inicijativom, dostavljamo sljedeći odgovor:

Na osnovu člana 4. Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine ("Službene novine Federacije BiH", broj 6/17), Federalno ministarstvo financija objavilo je Smjernice o minimalnim standardima dodjele budžetskih sredstava putem transfera i subvencija u Federaciji Bosne i Hercegovine. Ovim se Smjernicama utvrđuju minimalni standardi dodjele budžetskih sredstava iz Budžeta Federacije, koje budžetski korisnici dodjeljuju putem transfera i subvencija za finansiranje zakonski utvrđenih prava, programa i/ili projekata drugih nivoa vlasti, neprofitnih organizacija i pojedinaca.

Minimalni standardi uključuju opće i posebne uslove financiranja i postupke koje korisnici javnih sredstava (u daljem tekstu: davaoci budžetskih sredstava) trebaju primjenjivati prilikom dodjele sredstava iz budžeta putem transfera i subvencija. Postupci obuhvataju aktivnosti davaoca budžetskih sredstava u planiranju budžetskih sredstava, odabiru, ugovaranju, praćenju provođenja i evaluaciji rezultata utroška sredstava dodijeljenih putem transfera i/ili subvencija, javnom objavljivanju i izvještavanju. Uvjete i postupke iz ovih Smjernica u skladu sa svojim specifičnostima mogu primjenjivati i sve federalne institucije, kantoni i jedinice lokalne samouprave i druge pravna lica kada iz javnih sredstava dodjeljuju sredstva putem transfera i

BOSNIA AND HERZEGOVINA  
FEDERATION OF BOSNIA AND HERZEGOVINA  
**MINISTRY OF TRANSPORT AND COMMUNICATIONS OF  
THE FEDERATION OF BOSNIA AND HERZEGOVINA**

subvencija za financiranje programa i/ili projekata drugih nivoa vlasti, neprofitnih organizacija i pojedinaca, ako posebnim propisom nije drugačije uređeno.

Odabir programa i projekata za financiranje provodi se putem javnog poziva zbog potrebe osiguravanja transparentnosti dodjele budžetskih sredstava i odabir najkvalitetnijih programa i projekata, te se šira javnost obavještava o prioritetnim oblastima djelovanja institucija vlasti.

Javni poziv provode davaoci budžetskih sredstava, u pravilu putem nadležne službe i/ili komisije za provođenje postupka dodjele navedenih sredstava.

Javni poziv sa sadržajem iz točke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine i pripremljenom dokumentacijom prema sadržaju iz točke 23. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine objavljuje se na službenim internet stranicama davaoca budžetskih sredstava i u dnevnim novinama .

U zavisnosti od ciljanih grupa koji su potencijalni primaoci budžetskih sredstava, visine i namjene sredstava iz Programa za koji se objavljuje javni poziv mogu se koristiti i drugi oblici javnog komuniciranja (elektronske ili pisane publikacije davaoca sredstava, elektronski mediji, elektronske društvene mreže i sl.)

U slučajevima kada se očekuje veliki broj prijava, davalac budžetskih sredstava može planirati provođenje javnih promocija poziva potencijalnim podnosiocima prijava. Planirane promocije je potrebno najaviti u javnom pozivu sa definiranim vremenom i mjestom održavanja.

Ukoliko postoje neka neslaganja sa Vaše strane sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, molimo Vas da se obratite Federalnom ministarstvu financija.

Prilog: Zastupnička inicijativa zastupnika Gorana Bulajića

S poštovanjem,

Dostaviti;  
-Naslovu  
-Evidencija  
-Arhiva



MINISTRICA

Andriana Katić